



Broj:09-20/1-11-2-991
Dana:25.06.2021 godine

Na osnovu člana 43., i 45., Zakona o unutrašnjim poslovima Federacije Bosne i Hercegovine („Sl. novine Federacije BiH“ broj: 81/14), člana 25., 69., i 70., Zakona o javnim nabavkama BiH („Službeni glasnik BiH“ broj:39/14) i preporuke Komisije za provođenje otvorenih postupaka nabavke u 2021. godini, zamjenik direktora Federalne uprave policije d o n o s i:

O D L U K U

o poništenju postupka Javne nabavke – rezervni dijelovi za vozila iz programa ŠKODA van garancije

Na osnovu obavještenja o nabavci broj:1412-1-1-82-3-54/21, proveden je otvoreni postupak.

1. Za predmetnu javnu nabavku pristiglo je šest ponuda i to od pravnog lica **AD “KARE” d.o.o. Sarajevo**, **“TOTAL TRADE” d.o.o. Doboj**, **“PORSCHE I-A” d.o.o. Sarajevo**, **“M.R.M. E-I” d.o.o. Ljubuški**, i **“AUTOELEKTRA” d.o.o. Sarajevo**, gdje je pregledom dostavljenih specifikacija utvrđeno da su navedene ponude u potpunosti u skladu sa traženim tehničkim specifikacijama navedenim u TD dok ponuda ponuđača **“AUTOMERC ŠKORO” d.o.o. Sarajevo** nije potpuna iz razloga što nije dostavljena sva tražena dokumentacija.
2. Komisija je konstatovala da su ponude ponuđača na e-aukciji **AD “KARE” d.o.o. Sarajevo** sa ponuđenim iznosom od **7.450,00 KM bez PDV-a**, **“TOTAL TRADE” d.o.o. Doboj** sa ponuđenim iznosom od **8.087,00 KM bez PDV-a**, **“M.R.M. E-I” d.o.o. Ljubuški** sa ponuđenim iznosom od **10.987,00 KM bez PDV-a** i **“AUTOELEKTRA” d.o.o. Sarajevo** sa ponuđenim iznosom od **7.300,00 KM bez PDV-a** za Javnu nabavku rezervni dijelovi za vozila iz programa ŠKODA van garancije (procjenjene vrijednost nabavke 30.000,00 KM bez PDV-a), formalno pravno ispravne u opštem i tehničkom smislu, ali da su neprirodno niske u odnosu na procjenjenu vrijednost nabavke dok je ponuda **“PORSCHE I-A” d.o.o. Sarajevo** sa ponuđenim iznosom od **39.718,03 KM bez PDV-a** znatno viša od procjenjene vrijednosti te da od strane Ugovornog organa nije moguće obezbijediti dodatna novčana sredstva za navedenu nabavku.

3. Shodno članu 69., stav 1., tačka b., Zakona o javnim nabavkama BiH, ugovorni organ donosi odluku o poništenju postupka Javna nabavka-rezervni dijelovi za vozila iz programa ŠKODA van garancije .
4. Odluka stupa na snagu sa danom donošenja.

O B R A Z L O Ž E N J E

Komisija za provođenje otvorenih postupaka nabavke za 2021. godinu, imenovana Rješenjem zamjenika direktora FUP-e, broj: 09-19/1-30-2-207 od 18.03.2021. godine, je postupala shodno obavještenju o nabavci, broj: 1412-1-1-82-3-54/21, kojom prilikom je proveden otvoreni postupak Javne nabavke-rezervni dijelovi za vozila iz programa ŠKODA van garancije.

Dana 27.05.2021. godine, izvršeno je otvaranje ponuda o čemu je sačinjen Zapisnik u kojem su uneseni svi elementi predviđeni članom 63., stav 4., i 5., ZJN BiH.

Komisija je u Zapisniku o pregledu i ocjeni ponuda od 09.06.2021 godine, konstatovala da je ponuda ponuđača „AUTOMERC ŠKORO“ d.o.o. Sarajevo nepotpuna iz razloga što nije dostavljena sva potrebna dokumentacija odnosno nije dostavljena Izjava o garanciji za uredno izvršenje ugovora te je isključena iz dalje procedure dok su ponude ponuđača AD „KARE“ d.o.o. Sarajevo sa ponuđenim iznosom 12.420,00 KM (sa PDV-om 14.531,00 KM), „PORSCHE INTER AUTO“ d.o.o. Sarajevo sa ponuđenim iznosom od 39.718,03 KM (sa PDV-om 41.823,09 sa popustom), „TOTAL TRADE“ d.o.o. Doboj sa ponuđenim iznosom 19.426,34 KM (sa PDV-om 22.426,82 KM), „M.R.M. E-I“ d.o.o. Ljubuški sa ponuđenim iznosom od 13.232,33 KM (sa PDV-om 15.481,83 KM), „AUTOELEKTRA“ d.o.o. Sarajevo sa ponuđenim iznosom od 13.160,00 KM (sa PDV-om 15.397,00 KM) za nabavku rezervnih dijelova iz programa ŠKODA van garancije, formalno-pravno ispravne i da ispunjavaju uslove tražene tenderskom dokumentacijom. Obzirom da je za predmetnu nabavku predviđena e-aukcija, Komisija je Sektoru za mat-fin poslove uputila akt za provođenje e-aukcije.

Komisiji je nakon provedene e-aukcije, dostavljen akt Sektora za mat-fin poslove sa izvještajem o toku i završetku provedene e-aukcije broj:1412-1-1-82/21 od 14.06.2021 godine, kao i konačna rang lista u otvorenom postupku javne nabavke rezervnih dijelova za vozila iz programa ŠKODA van garancije.

Komisija je konstatovala da su za Javnu nabavku rezervnih dijelova za vozila iz programa ŠKODA van garancije, ponude ponuđača „AUTOELEKTRA“ d.o.o. Sarajevo sa ponuđenim iznosom od 7.300,00 KM bez PDV-a, AD „KARE“ d.o.o. Sarajevo sa ponuđenim iznosom od 7.450,00 KM bez PDV-a, TOTAL TRADE d.o.o. Doboj sa ponuđenim iznosom od 8.087,00 KM bez PDV-a, i M.R.M. Export-Import d.o.o. Ljubuški sa ponuđenim iznosom od 10.987,00 KM bez PDV-a na održanoj e-aukciji neprilagodno niske s obzirom na procijenjeni obim nabavke u iznosu od 30.000,00 KM bez PDV-a dok

je ponuda ponuđača „PORSCHE INTER AUTO“ d.o.o. Sarajevo sa ponuđenim iznosom od 39.718,03 KM bez PDV-a znatno visa od procjenjene vrijednosti nabavke.

Iz navedenog razloga Komisija je predložila da se od navedenih ponuđača zatraži obrazloženje ponuđenih cijena koje mora sadržavati:

- poređenje s cijenama na tržištu a posebno kada se radi o originalnim dijelovima;
- detaljne informacije o relevantnim elementima ponude odnosno razloge ponuđenih niskih cijena a posebno kada se radi o originalnim dijelovima.

Komisija je nakon razmatranja predmetne problematike i uvida u dostavljena obrazloženja od strane Autoelektra d.o.o. Sarajevo i M.R.M. d.o.o. Ljubuški (dok od strane AD Kare i Total Trade traženo obrazloženje nije dostavljeno) konstatovala da navedeni ponuđači nisu dostavili osnovano obrazloženje u vezi ponuđenih neprirodno niskih cijena u odnosu na procjenjenu vrijednost nabavke, te predložila da se izvrši poništenje predmetnog postupka u skladu sa članom 69., stav 1., tačka B., te donošenje odluke o pokretanju novog postupka nabavke.

Pravna pouka: Protiv ove Odluke može se podnijeti žalba ugovornom organu, Federalnoj upravi policije u roku od 10 (deset) dana od dana prijema ove Odluke.

Dostaviti:

- Sektor za mat. fin. poslove
- ponuđačima
- u spis

